

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808479111, 1808479106 և 1808479154 որոշումներն անփոփոխ, իսկ վարչական բողոքն առանց բավարարման թողնելու մասին

<<11>> 09 2018թ. 17-13-99401-18/17-13-10261

ք.Երևան

«Ն» ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Խաչատուր Քոլոյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բաղյան փողոցի 13/4 տան բնակիչ Խաչատուր Քոլոյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808479111, 1808479106 և 1808479154 որոշումները՝ նշելով, որ տեղադրված արագաչափ սարքերի առկայությունը փաստող ցուցանակները չի տեսել, քանի որ տվյալ հատվածներում լուսավորություն չկա:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումներն օրինական են, իրավաչափ և դրանք բեկանելու հիմքեր չկան, քանի որ Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության Տնտեսական զարգացման և ներդրումների նախարարության չափագիտության ազգային ինստիտուտի կողմից և դրանցով արձանագրած արագությունները համապատասխանում է տրանսպորտային միջոցների փաստացի արագությանը, իսկ իրավախախտումներն ամրագրած լուսանկարներում ունենալով նշված է տրանսպորտային միջոցի երթևեկության գոտին, ուղղությունը, ինչը չի կարող կասկածի տակ դնել իրավախախտումները հենց այդ տրանսպորտային միջոցով կատարելու փաստերը:

Ինչ վերաբերում է արագաչափ սարքի առկայության մասին զգուշացնող ցուցանակներին, ապա «Հայաստանի Հանրապետության 2007թ. «Հանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին» թիվ 955-Ն որոշմամբ հաստատված ճանապարհային նշաններ չեն, ուստի դրանց առկա լինելը կամ չլինելը, տեսնելը կամ չտեսնելը չի կարող հիմք հանդիսանալ տրանսպորտային միջոցի վարորդի կողմից երթևեկության սահմանված արագությունները գերազանցելու համար:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի» 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808479111, 1808479106 և 1808479154 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան» օրենքով սահմանված կարգով և ժամկետներում:
3. Սույն որոշման օրինակն ուղարկել Խաչատուր Քոլոյանին:

Կատարող՝ Ա.Միրզոյան



Ե.Կարապետյան